



Broj: 02-1-217/2-24
Sarajevo, 13.03.2024.

Na osnovu člana 72. stav (4) Zakona o visokom obrazovanju ("Službene novine Kantona Sarajevo" broj: 36/22) i člana 118. Statuta Univerziteta u Sarajevu, Nastavno-umjetničko vijeće Univerziteta u Sarajevu - Muzičke akademije na sjednici održanoj 13.03.2024. godine donijelo je

ODLUKU

o izboru dekana Univerziteta u Sarajevu - Muzičke akademije za mandatni period 2024-2028. godina

I

Prof. mr. Ališer Sijarić, u radnom odnosu sa punim radnim vremenom na Univerzitetu u Sarajevu - Muzičkoj akademiji, bira se za dekana Univerziteta u Sarajevu - Muzičke akademije na mandatni period od četiri godine (2024-2028. godina).

II

Izabrani dekan stupit će na dužnost 01. 06. 2024. godine.

III

Odluku dostaviti rektoru Univerziteta u Sarajevu.

Obrazloženje

U skladu sa članom 72. Zakona o visokom obrazovanju ("Službene novine Kantona Sarajevo" broj: 36/22) i članom 118. Statuta Univerziteta u Sarajevu, Nastavno-umjetničko vijeće Univerziteta u Sarajevu - Muzičke akademije je na 7. redovnoj sjednici održanoj dana 16.02.2024. godine donijelo Odluku broj: 02-1-124/2.1-24 o raspisivanju konkursa/natječaja za izbor dekana Univerziteta u Sarajevu - Muzičke akademije za mandatni period 2024-2028. godina. Na istoj sjednici, Odlukom broj. 02-1-124/2.2-24, formirana je Komisija za provođenje postupka izbora dekana (u daljem tekstu: Komisija) koja broji 5 članova iz reda akademskog osoblja u nastavnom zvanju.

Konkurs/natječaj je objavljen 19.02.2024. godine u dnevnom listu "Dnevni avaz" i na web stranicama Univerziteta u Sarajevu i Univerziteta u Sarajevu - Muzičke akademije i isti je bio otvoren 15 dana od dana objavljivanja.

Na raspisani konkurs se blagovremeno prijavio jedan kandidat i to prof. mr. Ališer Sijarić, koji je u stalnom radnom odnosu sa punim radnim vremenom na Univerzitetu u Sarajevu - Muzičkoj akademiji.

Komisija za provođenje postupka izbora dekana pregledala je prijavu i podnijela Nastavno-umjetničkom vijeću Izvještaj broj: 02-1-212/24 od 07.03.2024. godine.

Komisija je u Izvještaju konstatovala da se na konkurs prijavio 1 (jedan) kandidat, te da isti ispunjava uslove konkursa/natječaja.

Na sjednici Nastavno-umjetničkog vijeća od 13.03.2024. godine kandidat je izložio program rada za mandatni period od četiri godine (2024-2028. godina), nakon čega je Vijeće obavilo tajno glasanje.

Nakon obavljenog tajnog glasanja, Komisija je konstatovala da je od ukupno 39 članova Vijeća sjednici prisustvovalo 37 članova, te da većinu od ukupnog broja članova Vijeća čini 20 glasova. Nakon prebrojavanja glasačkih listića Komisija je konstatovala da je kandidat prof.mr.Ališer Sijarić imao 33 glasa ZA, 4 glasova PROTIV, a nevažećih listića nije bilo. Na osnovu rezultata glasanja konstatovano je da je prof.mr.Ališer Sijarić izabran za dekana Univerziteta u Sarajevu – Muzičke akademije za mandatni period 2024-2028. godina. Shodno svemu navedenom, odlučeno je kao u dispozitivu.

PRODEKAN:

Prof.dr.Amila Ramović

Dostaviti:

- Rektor u Univerziteta u Sarajevu
- sekretaru
- arhivi Vijeća
- a/a



Akt obradio: mr.Lamija Selman

Akt kontrolisao: mr.Lamija Selman

Sekretar Univerziteta u Sarajevu – Muzičke akademije, mr. Lamija Selman, potvrđuje da je Odluka u skladu sa važećim zakonskim i podzakonskim propisima, de da je Vijeće Univerziteta u Sarajevu – Muzičke akademije nadležno za donošenje iste shodno članu 72. Zakona o visokom obrazovanju i članu 118. Statuta Univerziteta u Sarajevu.